



Sr. Miguel J. Mansur
Lider di Fraccion ACCION 21

STATEN VAN ARUBA

Presidente di Parlamento
Sr. mr. E.G.A. Vrolijk
L.G. Smith Blvd. 72
Oranjestad, Aruba



Oranjestad, 20 di januari 2022

Apreciado Sr. Presidente,

Pa medio di e carta aki suscrito kier a pidi Sr. Presidente dirigi e siguiente x33 preguntanan pa Minister di Integridad, Naturalesa, Transporte y Cuido di Grandinan, Sr. Ursell Arends. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion suscrito ta keda,

Atentamente,

Miguel J. Mansur
Lider di Fraccion ACCION 21



STATEN VAN ARUBA
LIDER DI FRACCION ACCION 21
SR. MIGUEL J. MANSUR

20 di januari 2022

Preguntanan por escrito di miembro di Parlamento, Sr. Miguel J. Mansur, na Ministro di Integridad, Transporte, Naturalesa y Cuido di Grandinan, Sr. Ursell Arends, conforme articulo III.17 di Staatsregeling y conforme articulo 59 di Reglement van Orde van de Staten van Aruba.

=====
Nos a tuma nota di publicacionnan den media social tocante actonan cruel y contra reglamento cu a sosode dia 14 di januari den districto di San Nicolas. Dos cacho a wordo brutalmente atrapa y testigo a mira e city inspector lastranan pa nan horeya mientras un ciudadano cu tabata crianan tabata suplica pa nan no wordo mata (Bijlage 1 & 2).

1. Reglamento ta stipula cu cachonan atrapa ariba caya ta wordo duna x3 dia si nan no ta microchipped pa mira si un persona of shelter kier adopta nan. Cachonan cu ta microchipped ta wordo duna x10 dia pa mira si nan doño of un shelter ta recupera nan. A base di e sucedido describi den Bijlage 1 & 2 esaki no a sosode, Minister por a duna un splicacion pakiko?
2. Nunca ta permisibel actua contra cachonan di caya di un forma cruel, ki pasonan Minister lo tuma pa sanciona esnan cu a mara e cachonan na pia y lastra nan pa horeya, algo sin hustificacion? Con Minister lo percursa pa esaki nunca mas bolbe sosode?
3. E unico biaha cu no mester tuma cuenta cu e x3 of x10 dia di espera ta si e cachonan ta agresivo, algo cu e dos cachonan atrapa ariba 14 di januari no tabata ta manera nan potret den Bijlage 2 ta indica y manera tur bisiaña a indica. Kiko Minister lo haci pa sigura cu tur city inspector respeta e reglamentonan y trata tur animal di un manera aceptabel?
4. E dos cachonan cu a wordo mata tabata microchipped y tabata pertenece na un di e fundacionnan, es mas un di e fundacionnan tabata construyendo un haula pa nan pero no a wordo duna tempo pa rescata e cachonan. Ki sancion Minister lo tuma contra e departamento encarga pa percursa cu tur sigui reglamento?
5. Un potret di tur cacho cu yega Centro di Control di Cacho ta suppose di wordo poni ariba Facebook hunto cu e dia ariba cual e lo wordo mata pa done e shelters y publico un oportunidad pa reacciona. Esaki no a sosode den e caso ariba menciona y no ta sosodiendo segun reglamento. Ki sancion Minister lo tuma pa esaki sosode di inmediato?
6. Ta parce cu pasobra di e posts nan ariba medianan social tocante e dos cachonan atrapa na Cura Cabay y mata, awor e fundacionnan no ta haya potret di e cachonan cu

ta den e Centro di Control di Cacho manera palabra, con esaki por ta posibel? Con esaki por ta cuadra cu un maneho responsabel y segun reglamento? Kiko Minister lo haci pa percira cu tur e fundacionnan ta bon informa di ki cacho y/of bestianan ta den e Centro di Control di Cacho cu potret y fecha ariba cual nan lo wordo mata?

7. Pakiko cachonan cu ta wordo mata no ta wordo *sedated* prome? Actualmente e manera di pone cacho drumi ta increíblemente cruel y no segun practica internacional. Kiko Minister lo haci pa percira cu tur cacho ta wordo *sedated* prome y cu e proceso y cu e ta wordo administra corectamente y no di un forma cruel?

8. Minister ta na altura cu ningun hende ta wordo informa ora pushi drenta e Centro di Control?


9. Tin un registro di cuanto bestia (cacho y pushi) ta wordo mata den e Centro di Control y Minister por a comparti esaki cu Parlamento?

10. Cuanto cacho y pushi ta wordo manda Veterinaire Dienst y no ta aparece den e estadisticanan di Centro di Control?

11. Pakiko Aruba ta persisti cu un maneho cu tur organisacion internacional y experto a determina di no ta efectivo den controla poblacion di cacho di caya? World Health Organisation a determina cu su efecto ta, "No significant effect on the density of stray dogs."


12. Minister por a elabora con ta para cu e educacion di nos pueblo pa cu cuido y trato di cacho cu Prome Minister a priminti?

13. Mata bestianan di caya ta solamente trata e sintoma pero no e causa, Minister por a expande ariba su plannan pa mehora e situacion cu p.e. educacion, supervision di breeders y maneho incluyendo promocion di adoptacion?



18:15

LTE

<  **Crijojo Trappers Aruba**
2h · 🌐

...

It was too painful to tell all of you what happened yesterday with these 2 dogs living near Keke, Wendy's, gasoline station in San Nicolaas.

They were brutally captured by the dogcatchers Olga Tromp witnessed them dragging the dogs on their ears while their legs were tight to a pole. She asked them: " please do not kill them, they are doing no harm". Olga called me and I called the killcage. The dogs were killed right away. It was planned all along. Dogcatchers brought the dogs in and had them murdered without possibility of anybody taking them over.

Minister [Ursell Arends](#) sa con e dogcatchers ta traha? Do you agree with the new methods used?

Mister [Ewald Biemans](#) are you aware that they are just killing the dogs that you so generously helped spay and neuter?

All chosen members of parlement, do you agree with the method used by the dog catchers? Do you agree that the dogs of the street are brutally captured and brutally killed without the 3 to 10 days that they are entitled to?

The sad part is that this will be the way they will do it in the future.

Other sad part is that there were 2 more dogs picked up and killed but we have no idea who they were. Who is missing a dog near Keke San Nicolaas? Who else saw dogs being caught by the dog catchers?


<https://fb.watch/ayJHU3DEgJ/>

Write a comment...



18:15

LTE

<  Crijajo Trappers Aruba

2h · 🌐

without the 5 to 10 days that they are entitled to:

The sad part is that this will be the way they will do it in the future.

Other sad part is that there were 2 more dogs picked up and killed but we have no idea who they were. Who is missing a dog near Keke San Nicolaas?

Who else saw dogs being caught by the dog catchers?

<https://fb.watch/ayJHU3DEgJ/>

Please watch the interview with [Olga Tromp](#). She takes care of many strays and deserves your support.



Write a comment...



News Feed

Watch

Pages

Events

Notifications

Menu